

kvæm skýrsla sjónarvotta og annarra um tildrög og atburð. Félagsstjórnin skal 120
halda gerðabók um starfsemi sjóðsins, þar sem skráð eru í björgunarafrek og allt 20. ágúst
það, er varðar afhendingu verðlaunanna og þá er þau hljóta.

7. gr.

Með tekjum sjóðsins skal félagið koma sér upp hæfilegum forða björgunar-
merkja, en að því loknu skulu tekjurnar, aðrar en þær, sem fara til viðhalds þess
forða, leggjast við höfuðstólinn.

8. gr.

Þegar höfuðstóll er orðinn kr. 20000.00 er heimilt að endurskoða skipulagsskrá
þessa og vikka starfssvið sjóðsins, ef ástæða þykir til.

9. gr.

Reikningsár sjóðsins er almanaksárið. Skal reikningurinn endurskoðaður af
endurskoðendum Slysavarnafélagsins og birtast í Árbók Slysavarnafélags Íslands
eins og aðrir reikningar félagsins.

10. gr.

Leita skal staðfestingar forseta Íslands á skipulagsskrá þessari og hún síðan
birt í Stjórnartíðindunum.

REGLUGERÐ

121

7. sept.

um skömmtnun á hjólborðum og slöngum til bifreiða.

Samkvæmt heimild í lögum nr. 37 12. júní 1939, og lögum nr. 59 7. maí 1940,
um breyting á þeim lögum, um heimild fyrir ríkisstjórnina til ýmiss konar ráð-
stafana vegna yfirvofandi styrjalda í Norðurálfu, er hér með sett eftirfarandi
reglugerð:

1. gr.

Frá 7. sept. 1946 má enginn selja bifreiðagúmmi (hjólbarða og slöngur), nema
þeir, er viðskiptaráð löggildir til þess.

2. gr.

Hver sá, sem hefur bifreiðagúmmi til sölu, er reglugerð þessi öðlast gildi, er
skyldur að gefa skömmtnunarskrifstofu ríkisins upp birgðir sínar af því eins og þær
eru 7. sept. 1946. Birgðaskýrslan skal sundurliðuð eftir tegundum.

3. gr.

Bannað er að selja bifreiðagúmmi, nema kaupandi skili innkaupsleyfi frá bif-
reiðaeftirlitsmönnum.

Engum verður þó afhent á einu almanaksári meira en hér segir:

Fyrir hverja vörubifreið, sérleyfisbifreið eða leigubifreið til mannflutninga:
4 hjólbarðar og 4 slöngur.

Fyrir hverja einkabifreið: 2 hjólbarðar og 2 slöngur.

Skömmtnunarskrifstofa ríkisins í Reykjavík getur gefið undanþágu, ef sérstakar
ástæður eru fyrir hendi.

4. gr.

Sá, sem vill fá keypt nýtt bifreiðagúmmi skal snúa sér til bifreiðaeftirlitsmanns
í því umdæmi, sem bifreið hans er skrásett í, með beiðni um það. Í beiðninni skal

- 121 vera drengskaparyfirlýsing um það, að leyfisbeiðandi eigi ekki nægilegt nothæft bifreiðagúmmi, og að hjólbörðar þeir og slöngur, sem endurnýjunar er beiðst á, sé ónothæft. Bifreiðaeftirlitsmaður, eða umboðsmaður hans, skal fullvissa sig um það með skoðun, að rétt sé skýrt frá. Enn fremur skal tekið tillit til fyrri innkaupa bifreiðareiganda.

Bifreiðaeftirlitsmenn skulu neita leyfisbeiðni um ný bifreiðagúmmi á þær bifreiðir, sem þeir telja, að fyrir aldurs sakir eða aðrar, séu svo úr sér gengnar, að þær fullnægi ekki þeim kröfum, sem gerðar eru um ástand bifreiða, eða ef ekki eru uppfyllt þau skilyrði, sem eftirlitsmaður setur um aðgerð á bifreiðinni.

5. gr.

Í innkaupsleyfi skal tilgreina tegund og stærð bifreiðagúmmis, og að því fengnu snýr sérleyfishafi sér til löggilts bifreiðagúmmisala og fær gegn afhendingu leyfisins það bifreiðagúmmi, er leyfið hljóðar um.

6. gr.

Innkaupsleyfi skal miða við ákveðið ökutæki og sé umdæmismarki þess tilgreint í leyfinu. Skömmtnunarskrifstofa ríkisins heldur spjaldskrá um öll þau ökutæki, sem fengið hafa bifreiðagúmmi, og skulu þar skráð öll þau gúmmi, sem eigandi ökutækisins fær afhent.

7. gr.

Tollstjórar skulu senda skömmtnunarskrifstofu ríkisins skriflega tilkynningu um hverja sendingu af hjólbörðum og slöngum, sem er tollafgreidd. Skal í þeirri tilkynningu greina tegund og magn eftir því sem innkaupsreikningur segir til um.

8. gr.

Allar beiðnir sem teknar eru til greina, skulu bifreiðaeftirlitsmenn senda skömmtnunarskrifstofu ríkisins, sem hefur eftirlit með úthlutuninni. Einnig skulu löggiltir gúmmisalar senda skömmtnunarskrifstofu ríkisins um hver mánaðamót þau innkaupsleyfi, sem afgreidd hafa verið ásamt skýrslu um birgðir, innkaup og sölu í mánuðinum.

9. gr.

Skömmtnunarskrifstofa ríkisins sér um framkvæmd á reglugerð þessari og getur hún hvenær sem er, án dómsúrskurðar, látið rannsaka birgðir löggiltra gúmmisala af þeim vörum, sem ákvæði 1. gr. reglugerðar þessarar taka til.

10. gr.

Brot gegn ákvæðum reglugerðar þessarar varða sektum allt að 10000 krónum, og skal farið með mál út af þeim að hætti opinberra mála.

11. gr.

Reglugerð þessi öðlast gildi þegar í stað.

Viðskiptamálaráðuneytið, 7. september 1946.

Pétur Magnússon.

Jón Guðmundsson.